

國朝畿輔詩傳

國朝畿輔詩傳卷四十八

長洲陶 樑鳧薌輯 任邱邊裕禮袖石校

李廷敬

廷敬號味莊滄州人乾隆四十年進士官江蘇

蘇松太道有平遠山房詩鈔四卷

吳錫麒李味莊同年誅味莊生有夙慧博通羣書癸巳應天津召試

成進士入含香之署領度支之司出典大郡薦擢監司以胡威之清著張堪之績郡有一錢之號俗興五袴之歌求之古人亦又何讓錫麒嘗宿御湖涉申浦有煩東道屢宿南園君乃歛壽命侶攜尊挈榼同褰霞袂旋倡風吟以視歐公蜀岡之游坡老黃樓之樂至今過其地者有餘慕焉末疾方嬰濛陰遽掩鄭緇協咏齊鉞罷彈頻吞黔赤之聲盡下孤寒之淚述林宗之行可

無愧詞論孝若之
交用抒悲緒云爾

又慶春澤慢答李味莊同年詞琴鶴隨身桑麻
滿眼行春去策花驄江水評量料應官味能同
畫圖省識滄洲趣預畱君一著秋風恣豪吟萬
幅揮殘割取吳淞茸城舊是繁華地自栽棠舍
近射雉場空送到閒身只除鰕菜關儂追尋十
載長安夢怕東華重聽晨鐘但浮家烟波許乞
來繫

魚逢

隨園詩話相傳潮州六篷船人物殊勝後見昆
陵李味莊太守程江竹枝詞云程江幾曲接韓
江水膩風微蕩小僂爲恐晨曦驚曉夢四圍黃
篾悄無窗江上蕭蕭暮雨時家家篷底理哀絃
怪他楚調兼潮調半唱消魂絕妙詞讀之方悔
潮陽之未到也太守尤多佳句路河舟行云遠
能招客汀洲樹豔不求名野徑花姑蘇懷古云
松柏才封埋劍地河山已付浣溪人皆古人所
未有也

紅豆樹館詩話味莊官昆陵延禮名士惟恐不
及東園本喬氏渡鶴樓故址味莊拓而新之公
餘觴詠其間題襟投轄從者如雲卒後令子松
潭太守性復豪邁克繼先志以病缺帑項歿于
滇南清風雨世蕩然無存知與不知咸深悼惜
先生詩含宮囑徵性靈格律兼綜而互出之句
如蓉湖水咽延陵墓梅里春藏泰伯宮塔影遙
看雲際寺梅花多在水邊樓嬌楊冒霧藏鷺羽
細草和烟趁馬蹄驟寒魚伏白蘋水殘照鳥爭
紅葉山雲霞蒲礪長生地鏗火珠江不夜城風
塵鬢鬢羞鏡羈旅謳吟易近騷歎逝每觀齊
物論感時惟寫度人經馬是桃花初映水人如
楊柳未成陰仙家豈惜金條脫麗句難酬翠織
成楊柳千絲渾一夢買春費盡沈郎錢黎雲杏
雨梅花月一到微酖盡海棠皆清新縣麗不染
塵氛嘗集歷朝名人書刻平遠山房貼明人中
丈氏一家真蹟尤富
亦近日藝林墨寶也

題瘦馬圖

天驥恥皮相稜稜大宛種孤噴生長風萬攄神皆聳
羣貴一盼秣飼何足重苜蓿滿前川驂驪屹不動

會昌登陸喜晴

江練澄朝霏林花耀旭景平沙晴愈潤烟草相與永
歸雲赴遠岫餘潦喧近嶺村途紆稻畦山徑抱樹瘦俗殊
意難測禽變心自警扁舟三月醉幽夢乍一醒安得摩
詰筆繪此搖蕩境

花朝赴杏江探梅之約分韻得猶字

化工秘韶景花事故遲留如欲立達人而耽巖壑幽先
生人中梅清業幾生修蓬閣倦遊歷拂衣歸先疇先疇

種德地絕勝東山遊佈衆一鉢飯棲神三層樓花朝花
信暢風光淡夷猶招客論素心落落多舊儔入門塵慮
淨溪壑延冥按松濤竹籜間暗香時與謀初筵日射簷
琴罷月當頭乘醉復攀陟身疑到羅浮酒渴呼茗盃夜
深猿鶴愁笑問小倩童見有此客不人生貴達觀闐闐
有林邱坐此春風中物我兩休休花亦自怡悅顧影臨
清流請賡白雪吟導我小山謳

韶州雜詩

一曲清江滙遙趨峽萬重孤城如島嶼二水會魚龍北
嶺迴秋雁南華隱暮鐘三隴非險阻從古入堯封

誰識雙韶石兼畱盡善亭樂偏宜廣野獸合舞邊庭山
水清音杳風雷瘴雨腥遺音失瑤瑟終古怨湘靈
千載書堂蹟長懷故相賢玉環驚入侍金鑑悵空縣遣
祭真何益歸心已黯然巖前松桂好風度憶當年
湘江亭外柳綰盡古今愁暮雨吳江曲春風越客舟斗
迴天北極人去海東頭斜日關河暮殘鴉噪戍樓

雨後過方筠亭比部同年畱別

結契在髫髻天涯離恨新青鐙聽雨地華髮倦游人遠
別規逾切貧交久益真秋風歸去好不止爲鱸莼

潞河舟行

黃葉聲繁雨腳斜輕舟宛轉避汀沙河流曲似穿珠蟻
節序忙于赴壑蛇去住關情秋燕子榮枯相倚野藤花
一痕漸透斜陽好欲染閒雲作絳霞

渡江至京口曉泊

練影橫江日上初風帆一霎入南徐東來萬馬潮方急
西去千峯畫不如估客檣櫓紛聚蟻梵王宮殿半淩虛
登高懷遠情何極六代江山一筍輿

潤州

射虎亭荒漫寂寥城傳鐵甕日岩堯雲歸北固餘蕭寺
月涌西津落晚潮勝事每愁聞鼓角游人只解話金焦

國朝畿輔詩傳

卷四十八

四

何當海嶽烟雲筆細對江山畫六朝

過惠州

白鶴峯陰指惠州望雲先拜合江樓玉堂重入恩非薄
瘴海頻遷命不猶詩寄參寥俱有託花開林媿任閒遊
瓊儋更在滄溟外迴憶山居夢未休

九日同隨軒兄登九成臺有懷渭崖兄曉峯弟

嶺南九月紙鷺飛落帽風輕暑氣微海舶春槽橙釀酒
山搖秋雨荔爲衣千年歌舞餘荒傲萬里關山共落暉
望斷天涯音問隔武谿險絕鯉魚稀

過汪研薌司馬秦淮小寓留飲兼示舊作

暇日相尋一舉尊風光人比院花村羣山過雨青排闥
春水如苔綠到門我拂垂楊驚聚散君吟芳草自朝昏
新詩莫作驚人句寄託深時不易論

幾點青山幾曲橋千卿何事每魂銷風流兒女皆千古
泥滓英賢是六朝旅思暗驚春冉冉花時愁聽雨瀟瀟
吾儕癡絕悲今昔壘塊還賒濁酒澆

袁簡齋招集隨園看碧桃兼聽孫山人彈琴

西園陳蹟漫追尋裙屐風流後視今人影花香俱盡本
高山流水入琴心軒窗面面雲生座別緒依依月滿林
好乞新詩壯行色也教峯柳被清音

留別雲間山長祝芷堂侍御

肯接芳塵是玉樓
海天三載共淹留
千秋業已中年定
六計身慙上考優
鸞掖有人思舊雨
鱸鄉送客動新愁
相期橘綠橙黃日
一棹橫雲續勝遊

早行

映水沙堤一片明
休耽枕上聽雞鳴
天涯夢少春愁淺
野徑花多露氣清
客裏旗亭誰喚酒
月中楊柳未啼鶯
水晶湖畔朝餐好
侵曉先趨百里程

祝芷堂侍御自雲間來兼示詩集

橫雲風月泖湖州
不共深尊漫二年
勝侶恰聯王令榻

新詩滿載放翁船
詞霏豔雪東華舊
氣壓滄江
西漢前
莫道年來清瘦甚
敲牀猶自腹便便

于役吳門安郁文觀察邀往鷗波別墅賦謝

郎曹蹤蹟比雲龍
白下金閨處處逢
淡漠我憐三徑菊
高寒君對六朝松
徵歌買酒心猶壯
問舍求田老更慵
回首冰衙愁寂寞
但逢佳處且從容

和人無題

梅花落枕杏窺牆
半是啼妝半醉妝
風運剪刀春信急
雨催膏沐玉臺忙
歸從巫峽雲猶溼
夢覺羅浮月亦香
珍重田田蓮葉小
玉池不宿野鴛鴦

翠帶花錢繡越羅輕於榆莢小於荷五銖衣袂仙霞擁
入景樓臺夢雨過字寫珍珠傳鵲渚香浮蘭芷譜雲和
不須問卜成都肆暗渡銀潢淺淺波

玉闌倚徧許飛瓊綴履明珠照碧城星匹未秋驚再渡
月娥含如寫雙清餘杭昔兌方平酒緱嶺今攜子晉笙
春夢無憑條脫在鶯啼還訝步虛聲

寄生芳草早生蓮對影尋聲總可憐翠黛纔禁京兆筆
蘭橈已放洞庭船藤蘿月皎休鐙夜菡萏香濃聽雨天
憶得蘭陵雙進酒小憐風調小喬年

家硯畬太守從軍楚北適有安仁之痛寄詩以慰

亂山殘照感離羣擬挽吳鉤淨楚氛竹馬誰迎前太守
牙旗重謁故將軍魚箋密字還頻寄錦瑟哀絃不可聞
叔子登臨無限淚風前遙灑海東雲

冬郊曉行

路繞溝塍一徑微夢中詩境醒全非冰牙挂岸水初落
菜甲搖風霜欲晞碌碡場空羣隕臥屠蘇酒熟幾人歸
家山此日應相憶雪滿平沙正合圍

題白傅祠

兜率蓬萊未可知千秋惠政繫人思江湖合闢香山社
風月還鄰短簿祠異代英靈成主客當年稷契共襟期

使君經濟宗前哲不獨清吟似左司

過寶應

臨淮東下水潺潺南岸湖光北岸山最是舟車難到處
綠楊村舍白鷗閒

紅橋感舊

月暗篷窗夜寂寥平山烟樹接紅橋十年誰識曾遊客
臆對寒松憶六朝

寒檠永慕圖爲洪稚存編修題

白雲楊柳映柴扉鄰里猶傳孟母機夜夜孤檠催十指
爲供師俸與兒衣

弋陽苦雨

水驛蕭騷百感生
維舟野戍聽雞鳴
愁時最怯芭蕉雨
夜夜孤篷作此聲

珠梅牖竹枝詞

野花和露上釵頭
貧女臨風亦識愁
欲向舵樓行復止
似聞夫婿在鄰舟

家松雲太守重開莫愁湖賦此以寄

南朝金粉幾滄桑
兒女英雄總斷腸
佛火一龕秋草沒
當年曾是鬱金堂

千年幾度起高樓
疑是從前玳瑁不檻外
溪光堂上鏡

當時一樣照梳頭

紫蘭無事與招魂一浣輕紗石尚存試問青青河畔草
春來曾否憶王孫

紅映晨霞綠映荷春波流豔復秋波多情不浚胭脂井
恐惹寒泉怨綺羅

邱桂山

桂山字依千宛平人庭瀾子乾隆四十年進士
四十一年召試授內閣中書歷官廣東潮州
府同知有依綠山房詩牘一卷

咏史

烽銷銅狄控長城遮壁華陰再世傾鐘室藏弓胎曲逆
帛書吐飯罔文成白衣將領關中火粉墨伶官殿上兵
紹述調停皆蠹政最癡一著藥師盟

新亭高會涕神州王氣先鍾伐荻洲坐使市魁居國寶
誰令狎客斷江流冠軍悔傳鮮卑翼壽酒欣懸斛律頭
太息連兵更大劫湘東兄弟太原讐

梁弧妖語走龍鰲燕啄涎災璽角虧鳩餅禍階雙陸馬
竿槽冤對十香詞灰銷發燂空還骨戲罷藏鈎怯姪兒
千古長門埋玉地姦人酒姬獨深悲

柄泰安漢總空言鄱桂閒平盡九原誌墓幾人效長樂

登壇千葉笑深源
兜鍪枉擲長城恨
鉤距徒鳴北闕冤
三戟七貂尋覆轍
勳名誰與白衣尊

肘後黃金詎可無
安城葭艾計良迂
署門廷尉貧交散
迷道將軍醉吏誣
詞賦上林資狗監
貂蟬西邸讓錢奴
輶羹伏軾尋恆事
韋帥無階呂相孤

甲舍聯雲五貴家
山陰面首炫鈿車
弄臣畢竟飢紋在
亡命爭將博采誇
七寶香幢金穴闕
萬錢食楫肉屏遮
臨安燈火邗溝水
殿腳歌塵凋物華

竹王龍姥事難詳
不憤英雄汗策香
堅壁知兵恢洗氏
長江餉士定斲王
更無俠眼量才確
饒有文心續史良

底事坤靈鍾間氣天人只使豔施嬌

元會中天日一輪朝常野議代新陳
鷹盧鉗網人趨法
土木神仙國患貧江表風流救時業
關中氏族棄鄉民
千秋一事隆汗鏡道學儒林兩黨人

胡文銓

文銓號衡齋大興人乾隆四十年進士官湖南
衡州府知府

題張振斯照

清宦三年著績多簡書儲備竟如何
江天風景憑消受
認是湘波是酒波

忍對桑條唱渭城
怕逢驛使轉心驚
畫家解誦江郎賦
不寫桃花送客情

朱恆慶

恆慶字念占號椿塘天津人乾隆四十年進士
官陝西安塞縣知縣

夜坐

飲罷覺微醺
清吟入夜分
花蘇三徑雨
月破一層雲
老樹生虛籟
蒼苔篆綠紋
落梅何處笛
幽咽隔牆聞

朱兆慶

兆慶字卜工號午莊又號桂圃天津人恆慶弟

乾隆四十二年舉人

病起

怕對晚風涼閒行繞竹牀病多通藥性臥久澀詩腸窗
月侵虛幌瓶花散異香餘情惟淡泊無事可思量

送金竹坡

好在金夫子相交二十年高才同謝眺飛筆擬張顛鐸
振東山響琴收太古絃勸君今且醉莫負菊花天

王振榮

振榮字漢桓號錦堂寶坻人乾隆四十二年舉
人

紀昀傳先生與同邑芮勵齋講洛閩之學韓歐之文性孝友禮法自持教子孫以忠孝相勸勉生平自奉如寒素至義

所當爲則多金不惜

莫晉祭王錦堂先生文公生五歲而孤伯兄啟

堂公亦未冠時遠在南荆風濤險阻扶輿維艱

公雖孩提盡哀如禮臧獲無不感泣咸拮据贊

襄晏然旋里嗣就傳過目輒成誦旋補博士弟

于益肆力文苑晨昏奉母外不問生產性尤嗜

古於古尤嗜韓前輩之凡爲韓文者皆聚而與

寢食俱公不急於求售亦固往往不售歲丁酉

始舉于鄉座主梁階平相國深器重之先是倪

敬堂宗伯承覽主歲試得公卷如獲異珍試士

于堂而示之曰文章至此掇高科如拾芥耳至

是其言市駿遠近傳爲佳話或有譽公者以爲

王謝風流由來固遠公徐應云遠推江左何如

近守家風辭寡者吉非尙清也行篤者至非飾

度也間者咸服不幸以病厄道益進而氣日益

衰一旦捐其所以用於

世者而卽世嗚呼命也

戊申秋日田盤卽事

跋涉入山來愛山情不已滿目皆秋色不知從何起濤
聲雜澗聲聲聲盈我耳一步一收觀變態竟如此油然
天作雲其勢不可止衆山盡渺茫身入烟霧裏風吹細
雨飛塵埃淨渣滓一洗山巒清長嘯足翹企日暮始過
歸山疏紛列几山僧道家常意真忘其鄙萬籟俱寂然
月色在山觜

張煦

煦字育萬號春巖安肅人乾隆四十二年舉人
官山東阿縣知縣有世德堂詩稿

秋海棠

雨雨風風鎮日來
新晴初見海棠開
憑添秋色三分韻
直覺春光八月回
幾種斷腸悲往事
一卮酌汝借殘杯
花朝多少君須記
過眼心情又半灰

陳居敬

居敬字惺園天津人
乾隆四十二年舉人
官江南奉賢縣知縣
有映奎堂稿

津門詩鈔惺園先生古樸謹慎爲一鄉
所重晚膺民社未竟所施士論惜之

西廂道上

巉巖人道古沙陀
到此疑聞勅勒歌
萬樹參天青似髮

千峯插縣碧于螺時平不恃長城險塞遠猶屯戰馬多
峻坂迴頭雲疊疊故園何處問津波

查誠

誠字衛中號靜巖一號海漚宛平人善和于乾隆四十二年舉人官郎中有天游閣詩集

津門詩鈔海漚詩酒自娛有蓮坡遺風家起小園疊石蒔花殆無虛日積書萬卷無不披覽安程亦能詩

查揆題天游閣集字字香山集裏來天游高閣掃浮埃新詩遠寄王官谷孤旅方愁郭隗臺久已家林應執摯生慙野鷺敢論才傳衣此事如禪事臨濟南宗近漸頽

讀儉堂叔祖銅鼓書堂遺稿

讀罷長篇涕淚沱唾壺一擊一悲歌少陵身向蠶叢老
新息魂驚蕙苾訛百戰場中三吏熟半生詩裏萬山多
瘴鄉蠻洞英風在老去應輕甲乙科

自題海漚書室

一龕坐老亦悠悠漫詠牆陰笑老劉書學賈山惟涉獵
人同支父自幽憂穿簾疏影花登席潑地寒光月上樓
眼大心雄成底事洛陽擁鼻幾時休

東竺庵僧掘石上小松十餘株爲贈因載以歸

髣髴都成天矯容幾株掘得小蒼龍載歸人莫輕盈尺
盡是三盤十抱松

張梓蔭

梓蔭字敬之號春閣天津人湘子乾隆四十五

年舉人

津門詩鈔公主講中州書院爲畢秋帆中丞
所重性疏放以詩酒自豪有楚山先生遺風

虎邱

斜風吹雨入船涼驚破離人午夢長兩岸雕闌千樹柳
又吟烟景過山塘

葉汝蘭

汝蘭字香浦號退菴滄州人乾隆四十二年拔

貢生官廣東糧道改戶部郎中

古藤書屋落成茹古香姚秋農兩先生贈詩依韻
酬之

寄躋巒陬十八年故園回首路絲絲望雲欲補南陔咏
戀闕長依北斗邊豈謂歸來成小築何妨客至借高眠
不須錯擬揚雄宅畧似張融岸上船

張太復

太復原名景運字靜旃號春岳一號秋坪南皮
人乾隆四十二年貢生官浙江太平縣知縣改
遷安縣教諭有因樹山房詩鈔二卷令支游覽
集一卷晉游草一卷

洪亮吉序蘊蓄深厚美兼衆長獨在
獨來自抒胸臆有不可籠絡之槩

張問陶序先生曠懷逸氣高出

一時詩跌宕名深穩神味淵永

李昌琛序春岳先生負奇氣一洩之于詩其抱
負不凡故多激昂振奮之情慷慨悲壯之節

朝陽洞

朝陽明四山山山若飛鳳容光照我衣忽入朝陽洞
竇驚猿嘯攀巢卑鳥駢斜穿井蛙天圍舞醺雞瓊參差
乳滴荀縹緲雲生棟一丸巧逗漏萬象赫搏控那期萬
石叢造化此鑿空設非面離位萬古一夢夢摩厓讀周
記造語喜微中媿我腕力孱有石敢磨礱側眼懸崖巔
高閣欲上琅拾級隨白雲冷風更飛送

井涇

當年背水陣絕險得奇謀形勢空陳蹟烽烟靜戍樓萬
山隨地涌一水抱城流去去盤危磴眠沙羨白鷗

宣武雜咏

紫塞異風烟荒寒劇可憐天中自飛雪夏盡不聞蟬耕
鑿今成俗兵戈舊戍邊繇來用武地長想勒燕然

中秋三里河卽事

馬蹏得得傍溪行溪水粼粼見底清斜日秋生高樹色
小橋屐踏亂泉聲山連絕塞通天闕人上危樓憶玉京
便欲攜他絃管奏不妨明月隔重城

楓橋

夾岸人烟返照濃
蕭蕭落葉正江楓
畫船繞盡金閶路
誰聽寒山寺裏鐘

今春多寒立夏前猶雪也因見楊花漫成

小庭新綠影橫斜
春去餘寒尙賸些
閒倚朱闌看飛白
不知是雪是楊花

煨芋戲成

戢戢蹲鴟玉糝非
燒殘梢杳暮烟微
十年宰相知無分
自撥寒鑪療夜饑

邵自昌

自昌號楚帆大興人乾隆四十三年進士歷官
都察院左都御史有世麟堂詩二卷

道中卽景

振策春風道香塵拂短袍路分堤柳斷水淺石梁高村
犢依新草山禽掠小桃迎人芳意足輦背頓忘勞

秦淮泛舟

祖龍望氣怯江濱鑿地通淮詫術神三戶功成終在楚
六朝命短豈關秦笙歌會集高樓豔桃李空懷夾岸春
落日放舟無限意鍾山相對自嶙峋

題墨蓮

墨花飛處藕花香
淡影模糊水氣涼
十里銀塘迷夜霧
木蘭舟畔月昏黃

題種竹卷子

荷鋤歲月最寬閒
隙地新開對好山
不種梅花種修竹
更無香色落人間

韓湯衡

湯衡字聘之號蓮人高陽人乾隆四十三年進
士官湖南澧州知州

寒食

洞庭春盡片帆輕
纔入荒園別恨生
花少木奴辜作郡

草牽書帶更登瀛亞夫營外垂楊合董子祠前野薺平
忽報今朝逢冷節看人麥飯奠新塋

莫允宣

允宣景州人乾隆四十三年進士官雲南曲靖
府知府

皋山寒食歌卽席應李明府

皋山山下草黏天二月春來上巳前布穀聲催連夜雨
流鶯啼隔一溪烟烟裏人家雨中樹山城卻近鳴騶路
有客當春事遠遊襖被輕裝此中住上元時節別燕京
風塵蹴躡西南行酒旗茅店平原道夜月荒雞石邑城

爲借陳蕃榻畔宿衙齋更喜饒花木恰值清明

春光已徧山之麓清明風物到街亭粥鼓餽簫昨夜聽
攀折都尋堤上柳喧闌爭踏陌頭青踏青人去長橋遠
鞦韆院落斜陽晚我亦閒爲南陌行遊絲牽罥花被短
憶我春來每刷蘭招遊有伴過層巒自從一別溪山夢
愁悵鶯花十度看十年三晉重過處到此徘徊幾延佇
選勝林泉取次遊山靈識我如相語皋落奇峯聳翠微
流連光景最依依桃花水漲公無渡柳絮風殘客未歸
人生事事皆陳蹟年來年去勞行役良辰半是客中過
作客看花花歎息主人愛客華筵開隨意尋芳坐綠苔

攜酒朝臨石馬渡，漲高夕上鳳凰臺。
春來最怯春光老，花落飛紅紅不掃。
要我長歌紀遠遊，歌成轉自縈懷抱。
洛橋江浦總堪嗟，更倚東風問歲華。
醉裏長吟寒食句，清明無客不思家。

題王松樵冬獵圖

崇山灌莽風蕭蕭，同雲作雪迷林皋。
夜來雪霽風不翼，山門曠望平原遙。
草枯獸肥羣獬獬，言秣我馬適彼郊。
誰其獵者揚丰標，狐裘欺雪花颼颼。
彎弓挾矢心手調，指揮便墮雲中雕。
健兒矯捷輕猿猱，合圍馳驟紛喧呶。
畫弓小隊何妖嬈，蠻韉結束珠爲翹。
孤鷹奮擊來九霄。

血殷雉兔糜奔噪一聲蹴踏寒山坳馬蹄追逐黃雲高
丈夫弧矢空懸匏區區佔畢非吾曹雄姿壯志應騰驍
披君圖畫知君豪與君韓孟雲龍交清談耳熱澆葡萄
詰晨射虎還相招

春日寄懷朱臯亭

雞棲十載輓紅塵未解今春勝舊春識路難憑默相馬
苦饑祇欲朔稱臣每辜酒侶尋芳約別有離愁閱歲新
懊惱去年秋色裏木蘭遙阻素心人

關心歲月易蹉跎瀛海東華舊事多栗里春遊長作伴
燕臺秋興共悲歌西風幾度看紅葉南浦于今又綠波

爲問廣文官署冷酒徒新得幾人過

春雪

夜半風聲聞竹聲曉來透幕薄寒生
江南花發燕山雪誰道春風不世情

王天祿

天祿字石渠號乙齋大興人乾隆四十三年進士
官福建福寧府知府有蓮芳牋草

老梅用東坡食檳榔韻

顏垣蹙苔蘚老梅撐廢礎抱此貞素姿頗復閱寒暑
月明翡翠樓凍夜鷗鴟禦我初入郡來未見汝結乳虛窗

試玉瓷蟹眼活火煮兒子好羣嬉折枝弗忍阻觀之三
歎息漸欲綠萼吐孤標瘴海東玉骨冰心苦叢生雜木
中鐵幹寔媚嫵遙天飛玉龍戰退餘勇賈疏影空橫斜
晴烘亦何補顧此瓊瑤姿狼藉乃如許衝寒酹一尊破
曉催衙鼓一枝護軍持無爲僅婢侮黯淡斂春華孤鐙
懸夜午老夫真好事欲較雪花數輕裘襲暗香不辭雙
日勞旣復啞然笑爛漫春醅舉人生各有天光陰寄羈
旅梅花知我心相與無相與太息謂余言莫作鹽梅語

蔬圃

境幽心自遠小圃荷鋤開春韭畱根翦秋葵帶露栽頑

垣垂杞菊古壁點莓苔辛苦斜陽裏攜童共往迴

劉祖志

祖志字毅存號白谷高陽人乾隆四十四年舉人官江南高郵州知州

玉極菴

偶借招提境幽尋半日閒入門多翠竹閉戶似深山古徑餘苔暈豐幢帶雨斑老僧眠未起不許叩禪關

張詮

詮字守默號陶圃鹽山人乾隆四十四年舉人官河南鞏縣有東周詩草

舟中

車馬紛紛歎塵勞
幸少休雨殘隨浪盡
潮退帶帆流
河壯山爲瘴峯寒
樹作裘可能陶穴裏
各足稻粱謀

湯承功

承功字熙載號贊廷天津人乾隆四十四年舉
人官內邱縣教諭

同友人臨河晚眺

開尊臨野市秋色滿長河
不雨雲猶在無風水自波
沙鷗機事少烟柳夕陽多
幸與清溪會能忘白雪歌

過西郊寺

秋風攜杖履落日叩禪關曲徑穿花入空庭看鶴還林
開千里月雲疊萬重山任是清幽境無如此地閒

秋夜遣懷

天高月上敞華軒無限秋光入小園窗竹風敲涼有韻
花堦露洗淨無痕蟲聲吟斷孤燈夜客興斟殘濁酒尊
孤負清宵好烟景滿懷詩句與誰論

送春

乳燕生成纔學語殘花落盡又重開黃鶯何事頻流轉
已去東風喚不回

何夢蓮

蘇蓮字淨亭號周溪正定人乾隆四十四年舉

人歷官陝西榆林府知府有式古堂詩集四卷

韓對傳淨亭七歲能文乾隆丁酉拔貢廷試

一等授刑部七品官已亥領鄉薦洊歷主事員

外郎中嘉慶元年楚苗不靖奉旨馳驛

赴軍營辦事權衡永郴桂道改就京秋起補戶

部郎中轉山東道監察御史上疏條陳時政論

長蘆鹽加價不為商利祇以病民疏入得減去

每觔錢一文出知陝西榆林府護延榆綏道榆

林故近沙漠歲多風旱公禱雨輒應會林逆案

公以直隸人應得御史時議處鍰

一級嘉慶戊寅卒年六十有五

徐鋹序周溪先生性情脫犖意趣高遠無不於

詩乎流露雞鳴居庸之作及捕蝗苦雨諸詠直

與少陵之鐵堂赤谷新安石壕接響而倚轡一

編則又借間關戎馬以發其纏綖悱惻之隱其

兼學人詩人而有之乎

紅豆樹館詩話嘉慶丁丑二月余自永平量移
正定以年家子謁先生于高家營里第地距滹
沱里許數椽老屋環堵蕭然計數厯中外十餘
年歸無餘橐薄田數十畝僅供餽粥之資先生
處之恬如也越歲病歿子詒歸嘉慶乙丑進士
談于榮利不樂仕進蓋得于過庭之訓者深矣
先生近體詩格近元白其
從軍之作尤極沈雄蒼穩

訪王北恆山居

避囂塵外住風雨老於陵
花徑人來少柴門叩不應
詞源三峽水癯弱六朝僧
莫便南山隱神蛟願可醫

過武陵

江水平于掌張帆借好風
眼隨兩岸濶舟出萬山中
遠浦浮鷗白疏林落照紅
漁莊如可住不復事青驄

抵乾州

曠野西風勁征輦戴曉星山平途漸濶河淺水流腥荒
戍燒餘赤飛燐戰後青土人爭笑語此地憶曾經

雪

夜半紙窗明微聞浙瀝聲披衣相問訊飛雪滿簷楹光
射銀缸暗寒欺翠竹傾尋梅空有約悽惻故鄉情

懷沈筠堂

廿年結伴白雲司春暮皇華奉使時滿眼干戈同跋涉
一身疾病自扶持守雌卻有知雄識心靜能將性躁醫
太息河干帆挂後梅花今已綻新枝

半載從戎共死生
追思往事夢魂驚
天星寨裏殘燈燄
火馬衝邊巨礮聲
笑我一官原雪淡
憐君兩袖似風清
不堪最是辰陽別
何日銜杯敘舊盟

感舊

平原舊館駐迴車
三十年來感鬢華
甲第已歸新舊主
西州誰問故侯家
堂懸蛛網巢春燕
樹老龍鱗噪晚鴉
聚鐵無能酬一錯
秋風老圃愧黃花

重陽登大觀亭

大觀亭峻接洪濛
極目秋光望不窮
雁汭潮來波泛綠
龍山霜後樹翻紅
拈毫未敢題餽字
對景空慚落帽風

懋弔當年兵燹日淮南藩蔽仗余公

余忠宣公墓在亭左

舟泊金陵

金陵城外晚蕭蕭伊軋舟行過斷橋兩岸柝聲敲夜月
一江帆影弄秋潮山川形勢通三楚裙屐風流憶六朝
虎踞龍蟠名勝地放懷我欲訪漁樵

過廬生祠

洛關南下柳如絲淡淡微陰細雨時平遠山環裏子壘
蒼茫樹隱呂仙祠不爭蠻觸名猶累欲訪蓬瀛夢亦癡
修短何如憑大造鼠肝蟲臂任推移

閩鄉道中

函谷關西路漸平川原少覺可人情風來撲面羅衣薄
前後行沙馬足輕翠岫雲收眉淡掃黃河勢曲帶遙橫
長途願祝東風便吹散溼霖莫阻程

過爆木營

高峯萬仞徑千盤始信人間道路難瘴雨如烟行屐滑
腥風撲面客衣寒礮飛隔澗音相續戈指前營血未乾
悵望白雲何處是郵書聊復報平安

遊龍泉山

古刹岩巖萬壑間偶來遊賞放身閒沿江綠徧高低樹
滿塢青浮平遠山愧乏詩情通帝座已無塵念到人寰

茗亭憩足清涼界滿眼滄波戲白鷗

軍營七夕

山窗落日樹含愁
聒耳悲笳動素秋
憶得去年今夜月
全家歡上曝衣樓

書懷寄沈樹三

剝啄無聲世事疏
炎歊不到散人居
別來長晝添清課
鎮日閒窗讀道書

仙源有路欲尋難
小港叢蘆夾淺灘
識得江湖原自濶
烟波何處礙漁竿

鄧寓

邱寓哦詩四壁秋蒼茫回首起鄉愁蓮洋集裏分明說
萬柄荷花是鎮州

金 坤

坤字霽巖天津人乾隆四十四年副貢生

津門詩鈔公天姿雋朗少負重名三乙科未
償所學性孤介廉隅甚峻然獎掖後學惟恐不
及家無擔石
悠然自得

旅夜有懷

空堂倚枕到三更病懣鄉懷夢不成千里家書遲旅雁
一聲邊角起孤城長貧入世真無術遠道懷人自有情
事業文章兩寂莫破窗愁看月華明

張丙震

丙震字鑑菴南皮人乾隆四十五年進士官浙

江嚴州府知府有悟蘭室詩稿

吳錫麒傳公抱負素奇守嚴州以簡靜治之案牘不畱苞苴盡絕有百姓喚菩薩吏胥活餓煞之謠無他嗜好惟究心六書能辨金石真贋年五十七卒于官

進洞庭湖口

行雲已過古潭州江上雙橈不暫畱一夜清風真愛客
月涼飛送洞庭秋

徐瀾

瀾字東川天津人乾隆四十五年進士官刑部

郎中有硯北草

津門詩鈔公性沈敏官西曹廉靜不苟相
國阿文成公大司寇胡公雲岐咸倚重之

吳念湖太守招集思源莊餞張楚山先生之新城

分體七古

張侯大才高莫攀九天唾瀉珠璣圓禿毫一掃蕉葉黑
淋漓不數君家顛致身自許青雲路誰復徒供折腰具
百里絃歌單父琴三年鵬鳥長沙賦只今歸臥如縣匏
石田茅屋荒蓬蒿大隱非山亦非市膠庠足以營其巢
秋花照溪溪水紅蘆蒲瑟瑟搖悲風林塘野樹松榆暮
亂蟬聲咽天邊鴻此時坐客慘無色青衫欲溼酒行急

眼底盡觴不盡歡他日相思難再得筑亦不擊高漸離
壁亦不餽僊負羈憐君揮手從此辭飄然一去歸幾時
欲別未別水之涯君不見七十二沽烟漠漠明朝何處
孤帆落

王堯恆

堯恆字冀峻號秀巖南宮人乾隆四十五年舉
人歷官陝西道監察御史

南宮縣志堯恆以乾隆丁酉選拔授刑部七品
官己亥中鄉魁擢廣東司主事總辦秋審平允
無冤獄歷升陝西道監察御史署禮科給事中
督辦大井村賑務躬親勘給民受實惠以內艱
歸不復出

和黃明府大風亭懷古原韻

有腳慕陽春旬宣來阡陌夙駕命圉人勸課尋古蹟負
郭秋水環灼灼初墾閭雪澤正催耕東作敷碩畫莅政
先勤民肯教勢分隔久聞賢宰風親炙欣慰尺出郊非
春遊重農問麻麥小憩樂野亭當年駐棨戟成祖踵漢
光千秋一瞬迫長歌紀登臨不虛謝公屐治齊潁川名
秀擷河陽筆甘棠蔭常留俯仰感今昔

趙 微

微字亞亭號岷堂滿城人乾隆四十五年舉人
官浙江紹興府同知

趙公家傳公由四庫全書館臚錄中式乾隆庚子科經魁授浙江泰順縣知縣治尚簡靜暇聚生徒考課文藝多所成就甲寅分校浙闈得七士冬調平陽嚴巡舉口倡築塘工民皆稱便曾以呈誤引見開復仍回浙江補用已未秋委署龍游庚申夏題補仙居是再分校得士如徐太守王章孫明府東陽金廣文衍宗先後登仕版後列甲榜者則壬戌凌君鳴喈乙丑盛君唐一得時得人謂盛仙居素號刁悍公赴新任詰奸禁暴訪知五虎十熊之名隨拘一二到案嚴刑懲治仍許自新由是械鬪爭葬之風頓息王戊春調嘉興首邑途徧民玩事冗訟繁公昧爽卽起檢閱稿案終日不倦莅嘉邑旣久廉德惠澤浹洽人心每因公赴鄉童叟歡迎如依慈父母道光辛巳秋升紹興府海防同知甲申卒于任靈輿由越東歸過嘉興闔邑紳民無不哀慕衣冠展拜立公木主郡廟側奉香火又繪公遺像懸邑之楞嚴寺觀者咸歎息泣下雖厯年所思德政不置云

雷門吟

餘姚有余霖四十老一襟謁我鼓山麓涕出悲不任謂
公具手筆乞爲雷門吟亡兄名余震雷門乃其字霖生
託遺腹母老欲拋棄兄嫂奪血胞兄怙嫂則恃母亡兒
六齡九齡兄授經魯鈍不可狀兄獨嘉其靈兩姊及笄
嫁一一飛脊令霖愚復多病二十奄奄形病則奪書笈
痊則還鐙藥欲繼先子業恐傷子季情迴憶七齡時兄
子同病瘍戒嫂善視叔叔安兒可殤日夕嫂抱持兄子
擲于牀我啼嫂則泣我笑兄則歡三十授第室旋入膠
庠間看我衣上綫嫂淚存斑斑檢我笥中書手澤兄黃

丹兄嫂六十歿合葬上林村南山宋家隩有我兄嫂墳
兄以貧廢學醫藥活千人活者慟兄死皆欲贖其身霖
困蓬蒿中懼掩兄嫂賢椎心泣血詞願公采斯言我爲
一一書孝義可云止愧彼尺布謠用以資國史

孝婦詞

勸君莫安逸安逸忘立身勸君莫遠遊遠遊多苦辛結
髮共年少歡娛及良辰一朝戒行旅求名趨帝闕去去
從此辭高堂別老親老親咽悲痛謂兒且自珍桑榆體
猶健努力當青雲及早定歸計勿久他鄉賓如何已三
載不見屬車塵老親長咨嗟倚門望眼頻慮深魂夢亂

愁增白髮新孩穉來膝前啼笑皆傷神念君素繼繼君
豈忘情人非敢怨芳時所憂在萱椿竭力奉甘旨傷哉
家復貧徒有孝順志難以慰昏晨明月照我牀微風動
羅巾君今寄何所賤妾空哀呻

蔣香雪招飲蓮亭次魯晚蘭韻贈之

軒窗高敞暮春初鎮日清談真曠如坐久渾忘新月上
竹聲人影共蕭疏

馮智

智字坤三號前村天津人乾隆四十五年舉人
有梅墅吟存

津門詩鈔梅墅先生與周大迂金野田康達
大諸公唱和最多有七峯陸槎諸先輩遺緒

擬右丞春中園田作

時禽啁晴簷東臯融殘雪野叟纔報春忽已穀雨節
杖出柴門耘田自怡悅好風拂人來隴歌吟不輟

華蘭

蘭字省香號春浦天津人乾隆四十五年舉人

官安徽全椒縣知縣有皖城集一卷

紅豆樹館詩話春浦博通經史工書畫旁及金石篆隸居京師館余秋室太史家與輦下知名
士往還酬倡出宰全椒以廉明稱卒于官詩多
散佚皖城集一卷爲其孫梅莊孝廉長卿撫拾
奇零寄來清拔
朗逸屏絕藻纘

答徐小巢廣文原韻

含山名勝地花木四時新我本天涯客來游江岸塵
畫情慚米芾詩句愧盧綸志小真如蠖胷懷任屈伸

同張竹軒吳山尊王鶴嶼再游滁州訪醉翁亭

山色遠含青環滁列畫屏一時賢太守千古賸斯亭
水落明溪石風疏息塔鈴夕陽人影散把酒記曾經

濡須塢懷古

偃月城荒急暮潮江東霸業去迢迢悔無良策雄三楚
媿有新詩誦二喬往事東風談尙壯哀年北面恨難銷
至今遺蹟濡須塢兩岸峯青閱六朝

江鄉初夏卽景

翩翻蝴蝶菜花黃十里長堤秀女桑纔出新蠶將飼葉
村村爭祀馬頭娘

三間茆屋傍江居椿繫輕舟認老漁細雨新晴斜日好
柳花橋畔賣鱖魚

夜過徐州

歌風臺上綠楊秋雲暗天低泗水流鎧火篷窗蘆葦夜
半帆風雨下徐州

朱石君撫軍索畫醉後寫得橫幅并題絕句

每憶王孫桂樹間比來作宰未能閒桑根翠接華陽路

盡見淮南入畫山

崑屋雲林淨絕塵此中定不少幽人何當稱意觀黃海
二十六峯俱寫真

李光謙

光謙字撫吉號敬箴任邱人乾隆四十五年舉
人官四川緜州知州有香國來人詩稿一卷

任邱縣志光謙幼篤於學嘉慶辛酉分發四川
知縣以辦團練有功補名山兵燹之餘勤於撫
恤名由素不嚮學爲立書院親訓課之改補榮
昌值大旱謙謂鄉民就食入城多失其故業乃
昇誠篤緋民穀使就貧民家分給民安其生調
署江津津故劇邑汰去冗役千餘人陋規盡裁
之升緜州知州署
嘉定府引疾歸

紅豆樹館詩話敬箴初官蜀中值川楚餘孽未靖奉檄團練鄉兵晝夜拒賊民賴以安同邑舒明府其紹贈以詩云仲宣慣作樓頭客戎馬叢中文章伯挾策十上不見收酒醉狂歌拓金戟解礫此日著朝衫叱馭山程報曉籤君信可人能辦賊腰間寶劍千金值解組歸閉門卻掃屏絕俗務日以臨池爲事書法顏柳骨力蒼勁求者戶限幾芽卒年八十餘

渡口崖迎德侯帥

大軍臨渡口小隊出荒溝
春雨飛旗角山花落馬頭
無聲渡行蟻有警報前騶
試問千夫長何當萬戶侯

閱卷畢口占

一夜西風落葉多秋光如此奈愁何
三條未忍初心負五色翻疑瞥眼過
豈有四明終坦率更無東野久蹉跎

來年今日

恩波近會見珊瑚入網羅

鳳縣道中

野花幽草不知名送客春風別有情
流水曲隨山勢轉歸人低趁澗邊行
雲連白馬峯無際灘近黃牛峽有聲
歷盡關河愁險絕吟鞭來日寶雞城

和戴敝亭送別元韻

樗散原非百里才無家何處賦歸來
六旬華髮三千丈一日愁腸九十回
泛泛桃花春水遠依依柳色晚風催
相將南浦頻回首四面雲山黯不開

張五倫

五倫字伯惇號銘渠清苑人乾隆四十五年舉人歷官山西潞安府同知有淥漪軒學吟草一卷

對雨步家藜閣韻

微雨滌三徑茅齋春已深竹風送清響綠溼南窗陰幽情託清興惜無龍唇琴南浦暮雲合瀟瀟千里心

哭董寄廬夫子

先生久淪謫雙鬢已飄蕭老驥心猶壯元龍氣益驕移家惟藥裹迴首負詩瓢擬酌云亭下吟魂不可招

清明感賦

空齋寂寂度殘春
寒食東風事又新
野樹有情花似錦
荒邱無路草如茵
拋殘紅豆階前子
望斷香車陌上塵
記得西窗雙瘦影
殘燈夜雨黯傷神

曲江夫子以所和冷硯丈遺詩見示次韻

杜陵垂老客天涯
絳帳談經兩鬢華
夢杳池塘成宿草
尊開舊雨爲判花
謝家羣從懷前哲
魯國諸生忝後車
海上仙山畱勝蹟
一編繁露足傳家

鄧諧

諧字鳴岡藥城人
乾隆四十五年舉人
歷官江南海州運判
祀鄉賢有百城書屋
賸稿

紅豆樹館詩話君畱心理學初官贛榆知縣鐫
源洛關闕四子書呂子節錄呻吟語四禮翼四
種遺規區田編在官法戒錄人譜諸書獎勸學
者並重刻鄉先輩元人李冶所著敬齋古今甞
以廣其傳俾入所得卽以購書家藏不下數萬
卷子祥麟爲子門人庚午舉人官廣西橫州刺
史猶能世其家學云

蒙陰古寺

敗寺蒙山側山空氣沈寥廢鐘暗挂樹斷碣臥支橋有
佛英靈寂無僧香火消道旁膜拜客相對亦蕭條

戈涓

涓字仲坊號南村獻縣人乾隆四十五年舉人
有追逋集四卷

僑寓

僑寓因人處處家柴門深掩似盤蝸更無雞犬隨行李
賸與琴書閱歲華未了宿逋仍覓句偶思清供且烹茶
年來漸解謀生事擬學東坡置畫叉

送錢湘芹歸江南

最是離情未易拋相知况復漆投膠與君接坐盃常把
就我談詩句細敲千里聲傳曾耳熟半年神醉豈形交
無端春夢催歸思一縷鄉心挂柳梢

去去知君不可留十年爲客抱羈愁此行但祝風帆穩
到日還將蠟屐修處處故山重挂笏時時夜雨一回頭

故人大際遙相望屈指前期楓葉秋

張中正

中正字貞一號凱園宛平人模子乾隆四十五年舉人歷官廣西慶遠府同知有倚雲軒詩鈔和翁覃溪年丈二老話舊圖原韻

科頭梧竹下談笑一牀聯兩地人難老同心月共圓此中真意足未許俗情牽妙絕丹青手能傳海鶴年

黃成彥

成彥字碩人號約齋天津人祐子乾隆四十五年舉人官冀州訓導

津門詩鈔公奉母以孝稱生平言行
不苟閭里重爲典型教授生徒最衆

詠史

報惠書傳見性真望諸君是古純臣始終不負先王意
戰國高風有幾人

鄭師

師字吉夫號式廬豐潤人乾隆四十五年舉人

官湖北通山縣知縣改通州學正有晚香草

秋山

幾處烟霞岸丹楓映日明山空人步晚葉葉動秋聲

商城春行

綠楊深處遠聞鶯郭外芳塘水色清兩岸桃花新著雨
夕陽一半繞商城

芮熊占

熊占字飛菴寶坻人乾隆四十五年副貢生有

蕉亭閒詠一卷

陳雯序先生詩清和淡遠

冷然而善悠然而不盡

李光庭序公詩抒寫性靈發響

天籟出入于香山放翁之間

丙申秋杪入都訪朱笥河太史畱飲話舊卽席贈

句

黃花白髮一時新杯酒論文誼倍親草野疏慵仍結習

瑯嬛搜討邁前人秋懷對我披肝膽天籟煩君辨齒唇
今夕槐廳容下榻狂歌將勿惱比鄰

國朝畿輔詩傳卷四十九

長洲陶

樛臯薌輯

慶雲崔

旭曉林校

張灼

灼字米克號丙齋一號柳洲安肅人乾隆四十

六年進士歷官浙江鹽運使有十獲齋詩稿

卷

張錫田祖柳洲公行述府君年十九補博士弟

子員辛卯中副車已亥中秋榜辛丑成進士

司員外郎陝西司郎中京察一等引見

記名癸丑補授江蘇徐州府知府徐州毗連皖

豫統轄一州七縣俗悍民刁最稱難治鄉民袁

恂齋與某有讐袁與客劉二外出被殺案懸數

載拖累多人其子遂赴京師上控欽差

刑部尙書署兩江總督蘇公往勘府君選役會
識劉二者往捕不數日果得劉二于蕭山原籍
歸案研訊省釋無辜十餘人徐州地濱黃河歲
須防汛乙卯忽終歲汎不至衆相慶府君獨慨
然憂之或請其故曰凡水歲有泛漲可以借水
刷淤去其壅蔽若終歲無汎積淤必厚大汎陡
至橫決甚矣吾正慮此不遑諮君何以慶爲方
議增築堤岸修補要冲旋調安徽安慶府知府
次年大汎迭至河決數十丈衆乃歎服以爲雖
老河臣見不及此也安慶爲首部政煩任重府
君治官書恒至夜半案積如山卒無留獄戊午
奉旨升授江西督糧道旋丁會辦母憂
庚申張閣甲子還補河南南汝光道信陽州舊
有瑚璉書院久廢府君招生徒親課之辛未山
東賊王勝子勾通裕州土匪常福等七十八人
挾從鄉民復百餘由裕州舞陽沁陽一帶搶劫
至葉縣懷野寺中日出掠村市府君得信一晝
夜馳至葉縣搜捕召諸役親選之得一人令總
捕務于是七十八人俱就獲磨薦贖升授浙江
運司浙商疲累久府君到任細察情形見諸商

多侈靡妄費府君多爲核減或竟駁斥如是一
年歲終會計庫存各項較往年增數倍癸酉滑
縣逆匪滋事部議預支各省鹽課充軍餉浙直
撥銀二百萬府君集諸商勉以大義時各路軍
馬已集廢用浩繁諸餉未至浙餉先到士卒歡
呼踴躍軍威益振遂定大功甲戌浙鹽歉出竈
戶數百人焚香由錢塘門入詣撫院所撫院閉
門拒之詣鹽院復拒之遂詣運署府君出諭之
衆歡呼去府君爲撥款急賑之是歲竈戶無餓
殍乙亥引疾丙子歸里壬午卒年七十有九
紅豆樹館詩話先生書法出入晉唐自成一家
梁山舟學士見之目爲同時勁敵畫學宋元骨
力蒼秀於一峯老人爲近在杭州引疾後小住
西湖偶思故鄉山水寫味泉圖見志吳蘭雪刺
史題云綠陰十里繞溪斜雲液清鮮泛雪芽便
飲西湖無此味誰知南易是君家養病已作還
山計寫照猶聞向客誇鄉味分明吾較近自煎
寒淥試新茶又題其船光菴圖云雲水光中打
槳遠使君風致太蕭閒鬱林載石猶嫌重一卷
惟攜盡裏山可以想見仙吏清風閒官高致

詠東漢長公主遺事

地皇禍勢起赤帝單騎走若非主識超幾陷餓虎口趣
令上馬時遽乃揮以手無爲皆就焚胡爲兩相負哀哉
三少雛兵至併授首慷慨談史事大義信非偶光武要
並騎其理固非苟假使少顧瞻得遂兩全否祚漢稱首
功巾帨冠朝右武周亂臣十微婦故子有建武雄四七
增兒應廿九繫我過新邑往事訪遺耆陰樊來鄧問女
節獨不朽茫茫白河津斜陽挂衰柳

九日由康縣赴新野

老去因官累重陽典獨豪客懷思對酒驛路罷登高霜

柿紅千樹秋波綠半篙黃花應笑我偏耐宦途勞

過故關步壁上韻

鳥道追天險新關復舊關雄圖餘截業孤戍倚孱顏清
磬雲中寺寒林雪後山征車勞暫駐茗椀愧僧閒
晉水東流別龍山北望賒行沽燕市酒且喫趙州茶白
雪吟題壁紅塵付落霞前途無限意斜日噪寒鴉

對菊

園內葵初謝籬邊菊已英黃花猶舊蕊白髮更新莖莫
負林泉約終期松柏盟公餘來對酒應見古人情

秋仲旋自省門西遂道中口占

汴水遙天外旋車指信陽戍烟迷蔡寨驛樹向吳房斜
日薔花白秋風豆葉黃淮西問遺蹟雲水但蒼蒼

書壁詩後

沙彌細剔琉璃醅照見新題壁上詩青鬢漫嗟來日短
紅塵真悔挂冠遲知音千載中郎聽繼美當年水部辭
我欲溯洄從二妙春雲秋水論相思

和庫部未園先生寓齋僻地蒔花原韻

幾畝芳畦手自澆紅妝新浴不勝嬌盆山四面開圖畫
綺架千行列翠翹行酒藏花拈荳蔻題詩蘸墨寫芭蕉
日邊五色雲如錦影共江郎彩筆搖

行至廣宣門外雨仍不止

行近春明石路紆奔流淺瀨界菰蘆低雲誤鳥密於網
秋雨滑人濃似酥半嶺山光看約畧層城樓影見模糊
十年宦況傷頭白清夢依然繞帝都

遊賢隱寺因登山絕頂

博得公餘半日閒頓拋塵俗叩禪關隔林清磬雲中寺
繞徑蒼松雨後山境靜真能成大隱地空何處證無還
眼前花竹維摩偈住相優曇盡可刪

小駐招提信去留隨風吹上碧峯頭欲窮寥泲疑無地
任眺河山不藉樓楚豫雄關雲北向齊梁軼事水東流

時和恰共豐穰樂可但登臨紀勝遊

秋日葵園卽事

退食清齋晝掩門蕭慘解舍儼荒村小園聊得藏鳩拙
老圃猶能斲菜根客話正濃茶欲熟衙籤已罷酒初溫
秋成又喜嘗新稻甘苦與情可共論

目病

病來每惹詩成祟苦極翻安藥當茶贏得風光閒破悶
一簾春影上梅花

自題味泉圖小照

汲得新泉貯石罍蘭芽小摘帶雲烹年來嘗徧江湖味

不及山家水較清

金思義

思義號曉巖天津人乾隆四十六年進士官陝

西宜川縣知縣

津門詩鈔不嘉慶甲子丁卯陝西鄉試分房我皆秦中之秀

竹牀詩爲張楚山先生賦

拂袖歸來鬢有華一牀相伴足爲家攜將江右高眠日
坐對河東照眼花掃榻正堪招六逸睡心差勝覓三車
他時載向新城去肯爲無鹽更怨嗟

祝德全

國朝畿輔詩傳

卷四十九

五

德全字葆初號午橋吳橋人乾隆四十六年進士官山西潞安府同知有葆初詩草

哭儲石珊

歎君貧病竟無兒落拓都門老畫師乞得酒錢如性命
率吟詩句亦風姿羈身朱邸成何事埋骨青山未有期
寂寞妝臺留隻影墨痕和淚染淋漓

荆璫

璫字朗公號退齋安肅人乾隆四十六年進士官廣東嘉應州知州有片石山房詩稿一卷
鶴仙和韻見示復成一律

卅年蹤蹟共炎寒兩鬢相看各已殘
世事浮雲饒變幻宦途滄海任波瀾
苔痕印屐仍餘碧楓葉經霜欲上丹
何日故園松菊底與君細酌倚闌干

姚逢年

逢年原名永年字華山號蔗田天津人
乾隆四十六年進士官安徽太平府同知

舟行遇雨

薄寒侵古岸風雨夜交加
遠浦愁雲重孤帆片影斜
病衰難恃藥官久已無家
不覺重陽近悠悠感歲華

劉東里

東里字也僑慶雲人乾隆四十八年舉人官山東博山縣知縣

蒙陰道中

歲晚蒙陰道崎嶇翠靄間野泉流廢路黃葉染秋山村
酒留人醉清風送客還寒雲遙望處疑是穆陵關

題王松巖畫山水

十里春江寫碧痕疎林遠岫夕陽村山人不解繁華事
過盡韶光獨掩門

李簡

簡字廉村號有山武邑人乾隆四十八年舉人

官廣平縣訓導

紅豆樹館詩話慶雲崔孝廉光英乙未秋試號
舍中遇武邑李生言及伊祖簡有歷朝畿輔詩
選本因卷帙繁重屢欲村剞劂而力未能此事
予得之念堂大令輒轉訪求武邑李廣文士偉
爲鈔寄若干卷搜採既多醇雜參半係未成之
書惟內有李剛主王貞繩兩家俱以經學古文
名世所著書已錄入四庫全書中詩則流傳
甚罕又中載文安紀氏一家言如紀遴宜等數
人皆此編所未備因爲補入崔氏喬梓之留心
文獻與李君蒐輯鄉先輩遺作其功均不可沒
故并誌始末於此

秋夜

六合湛明月高齋月影中地渾成積水人似在遙空清
響風敲竹秋痕露洗桐悠然雲漢表應許夢魂通

雨夜泊吳江

隱隱輕雷落遠汀
蕭蕭暮雨雜波聲
客愁一夜添多少
春水吳江處處生

王振緒

振緒號蕙圃寶坻人乾隆四十八年舉人官蔚
州學正有澹園草

秋日望田盤懷達真上人

極目沈寥天
名山列眼前
白雲迷古剎
紅樹羃寒烟
雁冷鐘聲度
霜高塔影縣
不知蓮社客
誰伴遠公禪

劉昇

昇號東溪高陽人乾隆四十八年舉人官平鄉縣教諭有東溪詩草

暮過溪上

綠陰仄徑不分明
葭葦風來葉有聲
溪上屢吟還獨過
離根寒犬吠人行

樂立本

立本號飛泉天津人乾隆四十八年舉人

津門詩鈔飛泉先生奉母至孝
居母憂時著愍思錄以表其親

紅豆樹館詩話飛泉留意風雅嘗輯津郡前輩
詩若干卷為津門詩彙在梅樾君廣文津門詩
鈔之前惜未見傳本

自題懃思錄

剪刀纔暇理殘編
鋙火熒熒手自箋
此日不堪披卷讀
傷心猶帶墨痕鮮

列鼎生前志已違
空餘有核薦空幃
自慚反哺輸烏鳥
得食猶能向母飛

高爲泌

爲泌字柵山任邱人
乾隆四十八年副貢生
官無極縣教諭

送邊鏡池之官蜀中

誰續文翁循吏篇
劍門形勝古今傳
未忘琴韻流三晉

且盼棠陰布雨川魚復雲橫籌筆驛峨眉雪映浣花箋
知君退食饒清興應有詞源倒峽泉

邵玉清

玉清字履潔號朗巖天津人乾隆四十九年一
甲三名進士官國子監司業

題綠陰春泛圖

咫尺橫塘路披圖逸興遙春深鶯語滑風軟柳容嬌欸
乃聞柔櫓依稀度小橋雙柑攜酒客畫裏坐相招

張德懋

德懋字允昭號芥洲又號研儂滿城人乾隆四

十九年進士官戶部員外有石蘭堂詩九卷

徐紹薪傳公性敏強記嗜學不輟雖寢食未嘗釋卷尤工詩出入諸家自成一體爲人重交遊急然諾官京師交日廣客日盛特不知會計與客劇談深夜無倦容非其人不能作一語戊申典試雲南次年會試分校官久不調同輩後先膺臚仕公以諸曹司事故久留已而得末疾請告貧不能歸卒於京師年四十七

周厚韓序詩筆奇崛每與江山爭勝杜韓與蘇皆赴腕下其到處皆前人所未道也紅豆樹館詩話石蘭詩意取師心法必摹古情鰈排若一歸風雅之正全詩分河朔宣南古耕漁行玉溪諸集君歿後子縉雲明府刻于閩中者也君詩筆捷敏毫於飲每飲必作詩同時輦下名士多與往還酬倡使天假以年自能縱橫變化成一家所造固不止如是也

雨後夜坐

暝色入西嶺新月升東林天空淨殘暑夜氣何蕭森夕
陽起苔徑薄冷生桐陰流螢亂星影涼露沾衣襟冉冉
碧雲暮悄悄虛堂深清風數竿竹自作笙竽音颯然變
秋意歲月感我心松泉有清聽一寄邱中琴

清溪洞

十里清溪流微波綠於染石根互吞吐巖洞閒重簾洞
底谿虛無溪光明潏灩老僧此結社傍石架崖厓長松
敲落細竹依荏苒幽鳥去遲遲啼猿嘯冉冉陰雲起
清晝膚寸興有滄白雨忽飛來飄飄千百點因懷杜陵
興茶瓜共枕簟小坐頓忘言溪風自摩颭

中秋攜家雨巖同年步月至黑窰廠作

霽宇湛空明天高月痕廣清寒起叢薄涼意送遙響碧
雲澄萬里野色赴莽蒼攜杖步崇岡四顧眞虛敞星光
落疎點微火透林莽暗蛩寒自弔蛛絲罥成網露濃草
木香人靜西風爽緬惟廣寒遊此夕深遐想誰家橫笛
音清切綠雲上

雨後山泉盡發四山作響欣然賦此

雨氣透山骨骨膏山亦潤玲瓏衆山孔泉脈如新潄涓
涓細流滴活活盈科進落落垂天紳泅泅揚巨刃一痕
畫蚪竅萬派戰鵝陣白龍奮之而赤驥快奔迅蕭竽奏

美人琴瑟鼓田峻張樂聞洞庭鳴球記虞舜吹笙或擬
王歌鐘似分晉洪纖非一響遠近遙相印始知山水音
自然聽不盡我懷左太沖振衣在干仞

春陰連日卽事有成

癡雲未放晴飛雨落何處溼烟不著地濛濛閣高樹閒
簾納春色春風半涼煥翩翩榆莢錢繞砌紛成聚藤梢
三兩花一穗珠纓吐芬葩各有情若惜春將去呼童剪
荒蕨亂草當階除苔青護舊痕菊綠分新圃一庭蔥蒨
間聊可容予步何人載酒來更爲留春住

雨過淘飯坂

泄雲不歸山密雨猶抽繭層峯峙眉睫鬱鬱凌飛巘盤
空疾過烏屑路縈迴篆蜿蜒掉尾蛇犖蝟錯牙犬興人
奮登陟步步愁隄棧先升巨壑超餘勇莓苔踐昂首望
峯巔林巒圖畫展千巖流瀑爭百道轟雷轉烟霏變濃
淡山色隨深淺濺濺溪流奔悠悠前路緬何人村塢中
重茅溼不卷

南西門外作

青山各低昂迎我如相語招手萬峯巔共結餐霞侶我
愧謝不能烟雲深幾許平生誓墓心吾廬悔別汝故山
不移文夢斷秋江渚

招提在人境古木鬱禪扉濃陰森四合蒼翠紛成圍池
香裊荷氣款步來江妃隔林幾叢篠萬籟環烟霏修修
青鸞尾戛響調金徽何年此卜築趺坐參元機

送沈香非同年之官甘肅

赫連臺上黃蒿枯崑崙北走河聲巖玉門亭障幾千里
賀蘭山色晴模糊元光天子自神武條支大夏歸黃圖
尋源使者問牛斗護羌校尉來昆吾中更魏晉及五代
姑臧士馬雄中都沮渠遺蹟已黃土傳檀餘烈荒榛蕪
曩霄河西一豎子洮湟坐制恣睢旰軍中韓范復何事
忍令六郡遭殘屠吾皇清宴徧寰海葱山萬里

皆膏腴公膺小醜嘯狐火金戈一指膺天誅殘黎撫字
重良吏帶牛佩犢胡爲乎織簾先生珊瑚器崑山之寶
隨侯珠十年燕市寄書劍春秋徧閱幾蟪蛄一朝投筆
列簪紱西飛體迅王喬舄蘆溝橋上重迴首長嘶果下
青驪駒憶昔與君初握手棘籬矮屋昂昂軀雄文一卷
溯潮海筆鋒森露金僕姑滄泉千畝白河側蓮花池畔
藏茅區君來時就大牀宿元龍豪氣相歌呼覺廬老人
今詩伯前者唱于後者唱紫陽觀察古廉吏重君不啻
懷中瑜風塵彈指倏一晌舊遊東逝如須臾碑成有道
蔓荒草塵埋玉樹徒嗟吁山陽鄰笛倍悽愴酒樓太息

黃公壚君今匹馬西涼去秦山隴水縈盤紆羌兒打鼓
贊羅唄番童膜拜投戈受瘡痍自起肉白骨今也五袴
昔無襦懸弧會記我生日先子作牧金城隅牧圉一別
三十載文翁遺愛猶存無因君此去更惆悵父書徒讀
慙顓愚

華嚴洞

仇池古穴通小有地肺朱陵鬱蚺蜺皇餘石落蠻天
嵌影玲瓏開洞口猷籠一丁厰風檐窈窕層崖斷杳白
千年鐘乳結流膏萬斛珠泉瀉天酒苔衣石髮亂髮鬢
古雪堅冰積林藪陰沈六月凜清寒團扇何須常在手

應真飛錫記西來法界華嚴無淨垢欲將頑石點人心
特借真容留不朽重巖複壁巧相通璧府珠宮還待扣
劇憐換骨乏金丹咫尺靈威赫相守桃花一棹返漁舟
洞口溪流日清瀏

柘田以舊藏清閬閣蘭亭索賦

昭陵玉匣堙塵土五字未損誇定武絳潭摹刻只皮毛
世間真本何人覩君家集古邁歐陽金題玉躐森琳琅
就中此卷更奇絕紅泥小印雲林藏當年清閬開幽關
漢刻秦碑紛錯落圖成十萬供摩挲淨洗梧桐香茗瀹
興來落紙畫銀鉤會稽墨妙差能侔天門鳳閣躍龍虎

家雞野鷺原非傳，雲烟過眼一飛鳥。
閣中人往餘秋草，蘭亭逝水倏東流。
獅子林空隔縹緲，斷續零落出人間。
延津劍合來重淵，璠璣豈止萬金寶。
飄泊經今五百年，多君素有龍鵝癖。
什襲重看留妙蹟，永和上巳至元時。
尙友從今稱莫逆。

憫忠寺弔謝文節公

白雁飛來江欲曉，平章舊宅荒烟繞。
遺孤三尺痛厓山，道清已上僉名表。
建陽賣卜復何人，鬢髭白髮隨孤身。
錢塘一角天涯外，杜宇冬青又幾春。
一朝尺蹠江南路，遺民共上徵車去。
首陽餓骨冷空山，千載英靈閔何處。

惆思古寺城南隅當年臥病依僧廚壁間太息小女子
誰能忍死還須與吁嗟兮六陵無地埋荒骨汴水吳山
日崩突淒涼柴市有同心忠魂夜泣燕臺月

久雨不止居屋盡漏書此遣興

舟居無水陸無屋隨意移家同雁鷺一棹鼃僦伯鸞居
數竿便種王猷竹愁霖三日勢不止滿壁蔓漚看蝸縮
三重茅草溼淋漓一線飛泉漲平陸薜痕忽訝澀釘頭
幽點頻驚灑書簾燈昏室暗夜拆繁幾處移牀難就宿
生平學書苦未得漏痕且掃中書禿杜陵老屋破秋風
萬間大廈思重築幽人有志苦未酬愁聽虛檐響飛瀑

漿澤渡河

生平夢作乘槎遊銀潢屈注浮扁舟
臨雞自守甕天舞雖有遠夢無能酬
今來奉使涖洱海江山萬里隨行舟
滹沱問渡鎮州郭濁漳東逝源發鳩
詰朝津吏一來報洪濤咫尺黃河流
黃河之水出天上導源遠自崑崙邱
龍門積石施斧鑿禹績所到神功留
年來濬築固磐石兩河從此安鋤耰
榜人理棹聲邪許蒲帆十幅風修修
馮夷打鼓若相迓文魚奮鬚乘空遊
微波乍興輕浪發翩如一葉當中浮
舉頭四望極蒼莽豁然胸臆開雙眸
溫原懷孟亘襟帶滎陽汜水連咽喉
大行西峙幾千仞

倚天長劍摩清秋可憐廣武一抔土英雄豈予飄浮漚
乘風我欲溯雲漢下視九點烟齊州斬蛟投鱗更何事
區區一怒羞陽侯卽帆迴首坐相顧雲濤萬古空悠悠
過萬柳堂感賦

國初以來號賢相當時其數馮益都致身久已比房杜
遭時恰好逢唐虞沙堤歸來躋休沐引泉疊石城南隅
繚垣曲折匝十里坡陀人徑盤徐紆長橋宛轉落虹影
危亭樹杪當山崕雜花芳草絢晴晝竹風松籟吹翠
就中垂柳一萬樹鵝黃淺色清陰敷飛花作雪無輕燕
柔條弄絲藏啼鳥堂成遠慕廉夫子清心味道眞吾徒

東吳名士至千里共招酒伴相歌呼迦陵

陳其年

序筆擅

奇絕名園一記推髯朱

竹垞

當年文物自千古風流前輩

今則無我來適值百年後欲尋舊蹟迷榛蕪頽塘半圯
蝕古蘚淺池欲涸成泥塗小桃初放破紅頰蘆芽始茁
閒提壺魏公莊上任耕稼菜畦幾畝連芋區從來興廢
遞推嬗繁華今古原須與蘭亭修竹杳已矣彭殤一致
理豈誣冶泉山水更何似海雲東望空躊躇

宿牛欄山野人家

炊烟帶茅屋暝色板橋西一榻隨緣足千山入夢低林
園成小聚雞犬羨幽棲明日征塵影清寒徹馬蹄

荊州

莽莽荊州地重關牢落中三分勞戰伐今古幾英雄客
自依劉表營還說呂蒙蒼茫戍城外目極大江東
水氣全吞日濤聲欲拍天地通三峽尾人下九江船縣
邑分夔國雲烟接漢川渚宮何處有芳草自年年

懷化驛

十里足清曠千崖望轉高溪農分稻穎村女爨松毛石
溜划船穩欂皮補屋牢驛亭隨小憩甕底熟香醪

清化驛早行

蘭江渡後又泝河複嶺重岡策馬過蟋蟀咽涼秋思早

櫻欄戰葉曉風多。萍花一畝分。鷗鷺松徑千山暗。薜蘿
我欲揚舫問湘浦。大江渺渺洞庭波。

馬底驛阻雨與立齋夜話

春鵬秋蟀幾長安。名士眞同畫餅看。風雨十年成襪襪
功名一枕笑邯鄲。秋尊只合江鄉老。落鞠徒供楚客餐。
今日與君眠對榻。臥聽檐溜滴清寒。

黃平州

青溪南去路崎嶇。地入黃平景物殊。芋朝餐備犵女
番田夜火糞獠奴。猿啼嘯伏峯迴轉。霧積烟霏路有無。
一葉倏驚秋信早。涼風悽惻落蠻都。

戲柬朱柘田

杞菊蕭條又幾旬
太常齋日足清貧
擲掬隨地由山鬼
頤養從今有谷神
往日秦優多雨立
異時楚客唱陽春
與君更結城南約
修竹千竿願卜鄰

柘田用前韻見答復依韻和之

朝參懶去動成旬
五斗何堪粟里貧
拚飲未能疎酒伴
苦吟獨自祭詩神
禁烟時節家家雨
鬪草情懷處處春
解道長安行樂地
畫樓簫鼓是東鄰

題寓齋壁

丈室重開選佛場
依然三宿戀枯桑
但知坐嘯依修竹

不信無詩到海棠
隔院樹陰涼
送雨入簾花氣夜添香
由來吏隱多蕭散
未羨中書食萬羊

綠陰

柳絲吹老燕飛低
漠漠輕陰嫩綠齊
十里碧雲芳草渡
一村疎雨落花泥
溪橋倩影遮漁艇
野店迎涼趁馬蹄
更借遙山添晚翠
蔚藍迥合夕陽西

馬伏波祠

赤伏真人萬乘才
赤心猶未免疑猜
頓忘側貳稱兵日
爭見梁松下拜來
萬里功名悲絕域
中興圖畫失雲臺
可憐異代還祠廟
月黑深山杜宇哀

國朝畿輔詩傳

卷四十九

六

沅州

竹坪行盡復松坪不斷青山共送迎
躑躅花明村店曉葡萄水漲夜航輕
瘦藤古木圍荒砦碎石奔流繞故城
何處槿籬編院落茅檐燈火讀書聲

偶成

春風纔別又經年翦翦輕寒穀雨前
歸雁帶雲來極浦暮鴉衝雪沒遙天
瓶梅半老花留信窗燭將殘月隱弦
閒說城南春事好綠楊堤外草如烟

五溪歸棹吟

滇黔之間多山少水惟鎮遠至常德可以舟行

然水東兩山間流駛而峻比之贛灘巫峽亦不
少邇余於十月杪登舟時江水漸平灘石潁露
舟行其間殊不苦惡遠望四山白雲紅樹處處
作設色畫王孤雲文待詔固覺去人未遠也率
成百絕以其地近五溪故名之云云

選入

水淡山濃欲曉時遠人無目樹無枝平林更沒遙山角
一幅瀟湘米虎兒

峯巒缺處斷霞明林鳥鉤輈叫晚晴一縷溼烟飛不起
夕陽纔下晚潮生

蠻方十月未零霜清露還滋百草香幾樹櫻櫚翻葉暗

連村橘柚逐人黃

秋來野草碧多情
秋盡江流漸少聲
好借瓜皮一雙艇
過江東去摘新橙

魚雲千片爍朝霞
竹屋松門斷嶺遮
開徧瓊林三百樹
滿山香雪看茶花

美人何處采蘭芷
木末芙蓉影自雙
一卷離騷一尊酒
輕橈載我到沅江

四壁濤聲撼古松
溼雲濃透兩三峯
荒村臥聽蕭蕭雨
只欠寒山寺裏鐘

拒霜已老絡枯藤
山骨寒添瘦幾稜
孤負秋聲吹樹杪

小窗何處讀書燈

新店驛

隱隱輕雷過野塘日長欣就北牀涼清風六月真無價
一樹松毛滿屋香

查彬

彬原名曾印字憩亭宛平人爲義孫乾隆四十
九年進士歷官河南信陽州知州

澶淵雜詠

兼葭夜雨三更遠楊柳秋風一徑疎漁火依微人靜後
稍河坡上雁來初

兒花籬落雨花濃幾樹梧桐四壁蛩砧杵十家秋月夜
夜深東寺一聲鐘

張端成

端成號硯溪南皮人慶長子乾隆四十九年進
士歷官江蘇按察使改順天府府丞

津門詩鈔念堂自都來攜先生詩一卷多佳句
如人家烟雨外鳥道石橋西峯勢隨雲活鐘聲
過澗遲遠烟迷碣石細雨見蘆溝孤
雲生絕嶺飛鳥戀斜陽俱有唐音

西園卽事

端居人蹟少檻外日初長春雨不成點桃花紅過牆閒
雲停作片虛室靜生香自笑從前拙輪蹄爲底忙

過吳舍人故宅

接葉亭前樹春來發幾枝當年人不見燕子爾應知幻
影爲君感浮生亦自悲舊游漸零落爭怪鬢如絲

送崔孝廉旭下第還鄉

賓主剛三月胡爲馬首東鬚眉同賈島詩命似崔峒涿
鹿征馱穩津門水驛通到家如有作風便寄來鴻

張源

源字問渠號匯一安肅人乾隆四十九年進士
官貴州都勻縣知縣有必爲軒詩稿一卷

大龍舟次

十載未歸人孤舟楚水濱黃花仍對酒紅葉不知春
浩渺三山路飄零九陌塵桃源何處是鼓棹問前津

乙丑除夕

青山不改舊時青白髮新添又幾莖
三徑寒花五株柳此間合有四休亭

李景程

景程字豹仲號余山景州人基塙子乾隆五十年
舉人有紅素山房詩鈔

李景鄴序余山少受學於德州宋蒙泉李秋崖
兩先生工書能詩老而嗜古不倦有索書者輒
書所作與之

和王原莪見過

村居常宴起中飯已黃昏木落風鳴牖霜清客到門
鐙前一笑傲塵外幾涼溫散帙阿連在奇文時共論

鄉思

投老遠樓遲層冰落日時長烟連夕市獨鳥在寒枝
子美杭州弟青蓮東魯兒無人問索莫逐物漫推移

贈別曹舜音表丈

舊姻能有幾歲序邈如何歡會年來少離情老去多
敝廬談皎月往事問驚波明日巾車早秋空望曙河

高占魁

占魁字約齋號亭嵐遷安人乾隆五十一年舉人歷官山東濟寧州知州有三味齋稿

紅豆樹館詩話約齋宰霑化十年不調霑化地瘠約齋以清靜治之衙齋蕭寂幾欲比潔萊蕪嘉慶癸亥邑大水約齋躬親履勘洪濤沒馬腹不辭勞瘁捐俸賑給全活無算霑地濱海漁戶日供官魚愿任以爲常約齋至卻之人曰官日食一魚取於漁者廉甚何卻爲約齋曰吾食一魚吾慕食焉吾僕又食焉吾胥吏又食焉漁之日供者恐百魚不給也何爲而不卻鐵冶亭宮保撫山東廉其清慎以卓異薦調冠縣旋升濟寧牧甫三月以病引去卒於濟南囊篋無長物人尤稱其清介云

送竹樓歸合肥卽步留別韻

仕路崎嶇蜀道難期君砥柱挽狂瀾纔覩濟世書生業

頗解雄心老將鞍薄宦竟同雞肋棄浮名誰作豹皮看
壯懷不爲塵緣淡別墅圍棋仿謝安

與人無忤世無爭恬退翻教別恨生歷下名泉留險韻
江南福地足閒情六朝金粉經心檢三徑松花著意營
一葉扁舟帆正飽雲鄉水國證鷗盟

癸亥季冬病劇李半山先生醫治經旬始愈感賦
以謝兼志病狀

浮生原是鏡中人病裏偏多未了因空誦杜詩驅瘧鬼
誰搜韓集送窮神驚心幾徧君籠藥苦口難嘗海外珍
料得玉樓無位置蜉蝣暫寄百年身

心如槁木意如癡鎮日單餐薄粥縻想是甘瓜寒暑胃
多因苦茗破詩脾人緣久醉醒宜晚船到回風轉固遲
常凜夜深霜雪冷蒙茸欲脫又重披

鏡裏天光一色秋盤餐菽水厭珍羞丹田火冷新芽暖
銀海光飛曉霧收壑掩虛舟風乍定身無媚骨體偏柔
何時杖履離禪榻好與先生結勝游

徐通復

通復字體誠號菊圃天津人乾隆五十一年舉
人官內閣中書有菊圃詩草

送謝默夫之北平

匹馬向榆關山河路曲盤黃雲知塞近白日照人寒兩
耳秋聲滿三叉落葉殘何從問消息碣石霧漫漫

季雲颿自豫入都迂道來訪賦贈

憐君四十尙蹉跎五載風塵失意多身世鴻濛何日闢
關山魑魅厭人過悲來慷慨憑闌嘯話入蒼涼拔劍歌
搔首青天訴真宰滄溟霧起障星河

途中口占

春泥滑滑雨淒淒一帶烟村赤岸西借著漁蓑過橋去
亂山無影鷓鴣啼

馬廷燮

廷燮號梅亭獻縣人乾隆五十一年舉人官江
西靖安縣知縣有梅亭遺稿

游永濟寺

峭壁疑天鑿雲移山半陰晚風清磬遠落日大江深
佛低眉坐孤僧抱膝吟禪宗懷默默陳蹟杳難尋

章江門

經年宦海倦南游才數歸程已及秋惟有西山解留客
今晨青入隔江樓

沈嶧

嶧字東巖號簡菴天津人乾隆五十一年舉人

有鶯鳴集

津門詩鈔公清癯等病人有東陽之目嘗以
桂樹小山招隱士桃花流水憶秦人句得名

長日遣懷

蘭縛真無解脫方
欠伸聊復倚藤牀
夢回喚侶鷗沿瀕
目送尋花蝶過牆
藜杖人稀思舊雨
葛衣風好待新涼
茶甌書帙消長日
差似鐘魚古佛旁

見賣芍藥者有感

四月東風尙嫩寒
不教紅紫怨香殘
錦幃絳蠟知無分
贏得春光擔上看

龐世騶

世騶字漢亭景州人乾隆五十一年舉人有槐陰存草

趙北口早發

遙瞻碧漢起層虹十里長橋一線通兩岸清溪隨去馬
幾行烟柳趁歸鴻晨光隱約浮征轡漁火依稀下釣翁
趙北燕南誇勝地西山爽氣畫圖中

樊宗浩

宗浩字涵輝號曉齋天津人乾隆五十一年副貢生有硯圃山房遺稿一卷

臥病寄宋槐亭

臥病梁苑東不知秋已暮深巷寂無人鳥雀填門戶涼
颼一蕭瑟落葉集庭樹靜聽寒蛩鳴淒然畏霜露故人
期不來迢遞隔烟霧何時命扁舟訪我夷門路

樊宗清

宗清字印山號蔭珊一號湘川天津人宗浩弟
乾隆五十一年副貢生官四川蒲江縣知縣有
留餘山房詩集二卷

齊嘉紹序湘川操履端淳宅衷醇粹性落落難
合間以吟詠自娛所爲詩率皆隨境揮灑流露
自然不爲藻采浮聲而
志凝聲遠淵乎可思

紅豆樹館詩話蔭珊自蜀中解組歸日事吟詠
性恬淡篤摯與兄弟相友愛家多藏書手自評

校丹黃爛然年七十餘猶孜孜不倦晚嗜內典
華嚴尊勝之書靡不研覽長日閉關清齋自奉
詩遂不多作云

仲升吉賦長歌見贈短句奉酬

與君叨世好相見倍情親
班馬能文手維摩善病才
多終有用年壯莫嫌貧
感愧瓊琚贈官微白髮新

游秦園

名園依惠麓蠅屐此淹留
古木盤山出清泉繞澗流
題

碑思

睿賞夢草憶來游
今日登臨處春風獨倚

樓

題留餘山房

攜帚朝朝自掃除
斜廊深處宛精廬
添香細養鑪中火
搜蠹頻繙架上書
鐙影一龕人定後
茶烟半榻客來初
偶憑烏几閒尋句
漸覺春光透綺疏

甲馬營弔宋彝祖

山中一笑蹇驢驚
三百年來卜太平
揖讓家庭齊舜禹
從容杯酒伏韓彭
肯教榻側留鼾睡
可信鐙前有斧聲
王氣于今銷蔓草
挂帆東過弔香營

輓錢讓山參軍

手翰殷勤寄道途
驚聞此日歲星徂
方嫌解組三年早
不信人生七十無
津水結鄰通笑語
湖田訪舊一歡呼

而今再入西州道怕見黃公賣酒壚

送劉醒蕪入陝赴補

短衣長劍入西秦珍重天涯欲去身到眼山川皆舊蹟
傳聞道路尙風塵漢宮花草登臨古邠地農桑土俗貧
我自江東抽手版每逢折柳一傷神

旅寓書懷

默坐焚香度歲華無人知是宰官家閒庭雨過生秋草
老樹鄰多噪暮鴉客到厭聞談枳棘書來驚看說風沙
三巴景物原如此懶種河陽一縣花

王芝田自楚至吳流連數日卽送旋里

一著征衫向楚濱
思君不見兩經春
那知萬疊雲山裏
帆落吳江是故人

國朝畿輔詩傳卷四十九

終